

ევროპის რეკონსტრუქციისა და განვითარების ბანკის

პროექტების გასაჩივრების ორგანოს

შუახვევის მუნიციპალიტეტის სოფელ მახალაკიძეების

რაზათის უბნის

ს ა ჩ ი ვ ა რ ი

გვსურს, მოგმართოთ ოფიციალური საჩივრით შუახვევი ჰესის პროექტის თაობაზე, რომელიც დაფინანსდა ევროპის რეკონსტრუქციისა და განვითარების ბანკის, აზიის განვითარების ბანკისა და საერთაშორისო საფინანსო კორპორაციის ფინანსური მხარდაჭერის საშუალებით. შესაბამისად, პროექტი უნდა განხორციელდეს ადნოშნული ბანკების გარემოსდაცვითი და სოციალური პოლიტიკების მოთხოვნების შესაბამისად.

2017 წლის აგვისტოში ჩვენ საჩივრის წერილით მივმართეთ ზემოაღნიშნული ბანკების მენეჯმენტს შუახვევი ჰესის (ზემო აჭარა, ხულოსა და შუახვევის მუნიციპალიტეტები) პროექტის თაობაზე, რათა მათ რეაგირება მოეხდინათ პროექტიდან მომდინარე იმ საფრთხეებზე, რომელიც ექვევქვემ აყენებს ჩვენი სოფლის არსებობას.

სამწუხაროდ, ჩვენს მიერ გამოგზავნილ წერილს გამოხმაურება არც კომპანიის და არც ბანკების მენეჯმენტისგან არ მოჰყოლია, რის გამოც გადავწყვიტეთ, მოგვემართა თქვენთვის საჩივრით.

რამდენადაც ჩვენთვის ცნობილია, 187 მეგავატი სიმძლავრის შუახვევი ჰესის პროექტი დაფინანსებულია თქვენი ბანკების მიერ. შესაბამისად, პროექტის განხორციელება უნდა მომხდარიყო თქვენი გარემოსდაცვითი და სოციალური სტანდარტებით.

შუახვევი ჰესის პროექტი გულისხმობდა ორი კაშხლის (39 მეტრი სიმაღლის დიდაჭარის და 22 მეტრი სხალთის კაშხლები) და რამდენიმე სადერივაციო გვირაბის (სამი გვირაბი: 5.8, 9.1 და 17.8 კმ) გაყვანას მდ. აჭარისწყალის სხვადასხვა შენაკადებიდან, მათ შორის ჩვენი სოფლის მიმდებარე ტერიტორიაზეც. თავად სამშენებლო სამუშაოები უნდა განხორციელდეს ბურღვა-ფეთქებითი მეთოდის გამოყენებით. აღნიშნული საკითხი არაერთხელ დავაყენეთ სხვადასხვა შეხვედრებზე, თუმცა კომპანიის წარმომადგენლები მუდმივად გვარწმუნებდნენ, რომ ბიძგები იმდენად უმნიშვნელო იქნებოდა, რომ მას ჩვენ ვერც კი ვიგრძნობდით. უფრო მეტიც კომპანიამ სოფელთან გააფორმა მემორანდუმი 2014 წელს, რომლის თანახმადაც მან აიღო ვალდებულება, რომ ზიანის მოყენების შემთხვევაში მოახდენდა კომპენსაციას.

სამშენებლო სამუშაოები ისე განხორციელდა აჭარისწყალი ჯორჯიას მიერ, რომ ისეთი პრობლემური საკითხები როგორიცაა მოსახლეობის უსაფრთხოება, ბუნებრივ და სოციალურ გარემოზე მიყენებული ზიანი, გააქტიურებული მეწყერები (ქვათა ცვენა), ზემოქმედება სასმელ

გარემოზე მიყენებული ზიანი, გააქტიურებული მეწყერები (ქვათა ცვენა), ზემოქმედება სასმელ და საირიგაციო წყლებზე, მდინარისთვის მიყენებული ზიანი და სოფელში მიკროკლიმატის ცვლილება, გამოწვეული მდინარეში წყლის მხოლოდ 10%-ის დატოვებით, არ იქნა გათვალისწინებული, ხოლო მოგვიანებით კომპანიამ საერთოდ იგნორირება მოახდინა წარმოშობილი პრობლემების და უარს ამბობს პასუხისმგებლობის აღებაზე.

ამ თემაზე უამრავი შეხვედრა გაიმართა ადგილობრივ ხელისუფლების წარმომადგენლებთან, კომპანიისა თუ ენერგეტიკის სამინისტროს წარმომადგენლებთან, თუმცა უშედეგოდ. რეაგირება არ მოჰყოლია ჩვენს მიერ ბანკების მენეჯმენტისადმი აგვისტოში გაგზავნილ წერილსაც.

პროექტის მშენებლობა დასრულდა, თუმცა სოფელში გაგვიქრა სასმელი წყლები, იმატა ქვათაცვენამ, რაც საფრთხეს უქმნის სოფლის მაცხოვრებლების სიცოცხლეს, გააქტიურდა მეწყერული პროცესები სოფელში, მდინარეში გაქრა საქართველოს წითელ წიგნში შესული კალმახი და თევზების სხვა სახეობები, იკლო მოსავლიანობამ. პრაქტიკულად სოფელში ცხოვრება და არსებობა უკვე შეუძლებელია.

ბოლო ორი წლის განმავლობაში სახელმწიფო სხვადასხვა უწყებების გეოლოგების მიერ მოხდა ჩვენი სოფლის შესწავლა და დაიდო დასკვნა სოფელში არსებულ საგანგაშო გეოლოგიური მდგომარეობის თაობაზე, რაც სწორედ კომპანიის მიერ სოფლის ტერიტორიაზე წარმოებულმა ბურღვა-ფეთქებითმა სამუშაოებმა გამოიწვია და გაააქტიურა გეოლოგიური პროცესები.

შექმნილი რთული გეოლოგიური მდგომარეობის გამო, აჭარის ავტონომიური რესპუბლიკის მთავრობამ შემოგვთავაზა 25000 ლარიც ნაცვლად, იმისა რომ კომპანიის მხრიდან მომხდარიყო მიყენებული ზიანის შეფასება და საერთაშორისო სტანდარტების შესაბამისად კომპენსაცია, როგორც ეს განსაზღვრული იყო 2014 წელს სოფელთან გაფორმებული მემორანდუმის 2.7 პუნქტში.

უნდა აღინიშნოს ისიც, რომ სამშენებლო სამუშაოები ისე დაიწყო, დეტალური გეოლოგიური შესწავლა და შესაბამისი შემარბილებელი სამუშაოები არ განსაზღვრულა, რაც მიგვაჩნია, რომ არის თქვენი ბანკების გარემოსდაცვითი და სოციალური პოლიტიკის უხეში დარღვევა და წარმოადგენს სოფელში შექმნილი საგანგაშო მდგომარეობის მთავარ მიზეზს.

ზემოაღნიშნულიდან გამომდინარე ვითხოვთ კომპანიისგან მოხდეს ჩვენი, რაბათის უბნის მოსახლეობის ქონების ინვენტარიზაცია და შესაბამისი საკომპენსაციო პაკეტების განსაზღვრას ინდივიდუალურად, საერთაშორისო საფინანსო კორპორაციის მოთხოვნების შესაბამისად.

აქვე გვინდა ავღნიშნოთ, რომ კომპანია უარს აცხადებს პასუხისმგებლობის აღებაზე და რეალური მიზეზების დადგენაზე. ამიტომ მოვითხოვთ ბანკებისგან ერთის მხრივ, შეისწავლოთ რამდენად შეესაბამებოდა შუახევი ჰესის პროექტი, მისი ბუნებრივ და სოციალურ გარემოზე ზემოქმედების ანგარიში და განხორციელებული სამუშაოები თქვენი ბანკების გარემოსდაცვით და სოციალური პოლიტიკის მოთხოვნებს. მიგვაჩნია, რომ პროექტში იგნორირებული იყო მთელი რიგი საკითხები (გეოლოგიური, სოციალური), რის გამოც მივიღეთ ზიანი.

შესაბამისად, ერთის მხრივ ვითხოვთ პროექტის გამო შექმნილი პრობლემების მოგვარებას, ხოლო მეორეს მხრივ, ვითხოვთ პროექტის შესაბამისობის ანალიზს თქვენს გარემოსდაცვით და სოციალურ სტანდარტებთან.

პატივისცემით,

სახელი, გვარი	პირადი ნომერი	მობილური	იმილი	ხელმოწერა
1. ჯემში ვახაშ	61010012122	557-50-66-88 591-05-43-07	jamsheli- Kakadze10@ mail.ge	ჯ. ვახაშ
2. ავთანდილ ვახტანგ	61010000960	599-79-36-09	- - - -	ავთანდილ
3. ვუჟა ვახტანგ	61010012478	591-99-88-12	- - -	ვ. ვუჟა
4. ავთანდილ ვახტანგ	61010012889	5919565-71	- - -	ავთანდილ
5. ვუჟა ზორბე	61010010613	599256408	- - -	ვ. ვუჟა
6. მუხამ მხარა	61010001537	5910543102	mxham-mkharadze@	მ. მუხამ
7. მისერი ბერიბე	61010016113	599-88-81-06	miseri-b@	მ. მისერი
8. სიმონ ვახტანგ	61010015909	577 15 9491	- - -	ს. სიმონ
9. ვუჟა ვახტანგ	61010007381	577-30-45-88	- - -	ვ. ვუჟა
10. გვარამია ნიკოლოზ	61010016945	591 956532	- - -	ნ. გვარამია
11. ლევან ბერიბე	6101001056	599 246749	- - -	ლ. ლევან
12. ავთანდილ ბერიბე	61001037104	577 798257	- - -	ავთანდილ
13. ნუგზა ბერიბე	61010016343	599-49-20-85	- - -	ნ. ნუგზა
14. ბოჩო ვახტანგ	61010015529	577-42-35-56	- - -	ბ. ბოჩო
15. ჯორი ბერიბე	62002048999	591-05-43-04	- - -	ჯ. ჯორი
16. ჯორი ვუჟა	61010004204	558997187	- - -	ჯ. ჯორი
17. ლევან ვახტანგ	61010020332	558661168	- - -	ლ. ლევან

საკონტაქტო - mail - levani.futkoradze@gmail.com

9.02.2018 წ.